

Kvenna listinn

Fréttatilkynning

13. nóvember 1994

Kvennalistakonur héldu 12. landsfund sinn að Varmalandi í Borgarfirði 11. - 13. nóvember sl. Fundinn sóttu nær 100 konur úr öllum kjördæmum. Þar var rætt um stjórnsmál líðandi stundar og stefnan mótuð til framtíðar. Fyrir fundinum lágu drög að stefnuskrá Kvennalistans fyrir næstu kosningar, sem unnið hefur verið að síðustu vikurnar. Þessi drög voru rædd í hópum, og fram komu fjölmargar athugasemdir og ábendingar. Drögin fara nú til endurskoðunar, og stefnuskráin verður eñdanlega afgreidd á samráðsfundi í janúar.

Miklar umræður spunnust um kosti og galla þess að bjóða fram sérstaka kvennalista eða í samfloti með öðrum. Rétt þótti að taka slíkar hugmyndir til umfjöllunar vegna umræðu í þjóðfélaginu, enda þótt engin beiðni um viðræður hafi borist frá einum né neinum, og raunartoldu margar, að enginn raunverulegur áhugi væri fyrir sameiginlegu framboði hjá forystumönnum annarra flokka eða stjórnmálasamtaka. Að umræðum loknum var samþykkt eftirfarandi ályktun:

"Sjaldan eða aldrei hefur verið brýnni þörf fyrir skýra kvenfrelsísrödd í stjórnmálabaráttunni á Íslandi.

Landsfundurinn telur því að enn sem fyrr sé mikilvægt að Kvennalistinn bjóði fram í eigin nafni í öllum kjördæmum landsins."

Samþykkt var eftirfarandi ályktun til stuðnings við sjúkraliða:

"Kvennalistinn lýsir fullum stuðningi við sjúkraliða í kjarabaráttu sinni. Sjúkraliðar hafa nú verið með lausa samninga í 20 mánuði og hvorki gengið né rekið, enda langtínum saman ekkert við þá talað.

Sjúkraliðar hafa nú verið knúnir til verkfalls. Við lýsum fullri ábyrgð á hendur stjórnvalda á erfiðleikum og vandraðum sem af verkfallinu skapast á sjúkrastofnunum, öldrunarstofnunum og heimilum landsmanna.

Kvennalistinn skorar því á ríkisstjórnina að hlutast til um að samningar verði gerðir nú þegar við þessa mikilvægu kvennastétt."

Meðfylgjandi er stjórnmálaályktun landsfundar Kvennalistans.